

տակ, զի մի միւսանգամ՝ բռնացին այլազգիքն՝ ՚ի վերայ միաբանացն Հայոց, և լիցին առիթ փաստուց և տուգանաց, եւ նորա հաւանեալ՝ արար այնպէս: Գրեցաւ հրովարտակ ըստ այնմ մտաց, զի այլազգիք Սիոնի այլ եւս մի՛ հակառակեսցին վասն աեղեացն այնոցիկ, \1\3\ (1721):

Ի ամին ժամանակի կարի զօրացեալ էին բռնութիւնք և անիրաւ պահանջք բնակչաց ոմանց Բեթղեհէմ գիւղի: Իսկ աթուակալ Հաննա վարդապետ կամեցեալ զիրսն դարմանել, բանս եղ ընդ փոխանորդաց Յունաց և Լատինաց, և նոքա դիւրաւ անսացին բանից նորա եւ միաբանեցան, զի եւ ինքեանք չէին զերծ ՚ի բռնութենէ անտի: Ապա ՚ի խորհրդեան սահմանեցին առնել, զոր միանգամ հարկն պահանջէր ըստ տանելոյ ժամանակին: Կոչեցին զգլխաւորս իւրաքանչիւր թաղի աւանին Բեթղեհէմի՝ ՚ի քրիստոնէից և յայլազգեաց, որք կոչէին Շէյխք, և առաջի եղին նոցա զայսոսիկ պայմանս:

1°. Յաւուր տօնի ծննդեան Քրիստոսի առնուլ յիւրաքանչիւր վանաց 600 դահեկան իբրեւ պարգեւ, և աւելի քան զայն մի ինչ պահանջել, և լինիլ երաշխաւոր գիւղականաց մեծի և փոքու: չնեղել և չհակառակիլ վանօրէից եւ միաբանաց: չյափշտակել ՚ի ճանապարհի և ՚ի դրունս վանօրէից զպարէնս նոցա, որք առաքին յերուսաղեմէ:

2°. Եթէ ոք ՚ի գիւղականաց կարգեսցի ՚ի պաշտօն հարկահանութեան, մի երբէք վիճեացէ և կռուեսցի ընդ փոխանորդս երից ազգաց: եւ եթէ յանդգնեսցի ոք, տուժեսցէ 200 դահեկան:

3°. Զյուզել և չգրգուել զվաղեմի և զանցեալ դատս, և չյարուցանել վէճս ՚ի վերայ վանօրէից: Եւ եթէ ՚ի ճանապարհի պատահեսցի ինչ գրաստուց իւրեանց, զոր տուեալ են ՚ի վարձու, չպահանջել զվասն ՚ի վերելեկաց նոցին, ոչ ՚ի վանօրէից և ոչ ՚ի միաբանաց:

4°. Զվաճառել ինչ բռնութեամբ վանօրէից, որպիսիք են՝ փայտ, ածուխ, խաղող և այլ սոցին նման իրք: և ՚ի գնելն զայնոսիկ միաբանաց ըստ կամաց իւրեանց, մի արկցեն խռովութիւն ՚ի մէջ գնողին և վաճառողին, և մի կարեսցեն ընդ նոսա:

5°. Եթէ սուգանք կամ որ և իցէ պահանջք հասեալ